

Colosenses

Jacheuayama

¹ Atše Pablo, Jesucristbe ichmoná Běngbe Bětsá chca yobóseyeca, y Jesucristbeyeca běngbe catšata Timotéoftaca,

² quem tsbuanácha sěntsabiamná chě Colosas puebloca Běngbe Bětsábenga imomněngbiana. Tšěngaftanga běngcá Jesucristbeñe ošbuáchiyěnga šmondměna, y chca, Jesucristbeyeca běngbe catšátanga. Atše sěntseimpadana Běngbe Bětsá Běngbe Taitá, chaoma tšabe bendicioněnga tšěngaftangbeñe chaotsemnama, y chaoma tšěngaftangbe ainaniñe tšabe ebionana chašmotsebomnama.

Pablo, Běngbe Bětsábioye tbojanimpadá Colosas puebloca ošbuáchiyěngbiana

³ Běngbe Bětsá, Běngbe Utabná Jesucristbe Taitá tšěngaftangbiana fstseimpadana ora, cha sempre fchandbětsatschuanaye,

⁴ er běnga fsěnjátatšěmbona ntšamo tšěngaftanga Cristo Jesúsbeñe tša šmojtsošbuáchemá, y ntšamo tšěngaftanga nyětscanga chě Běngbe Bětsábenga imomněnga šmababuányěshanama.

⁵ Natsanama, chě ndegombre buayenánama, chě tšabe noticiěnga, tšěngaftanga tcmojanabuatambá ora, tšěngaftanga botamana šmojanuena ntšamo chě buayenániñe bejtsayancá, chě tšěngaftanga šmojtsobena tšabe soyama jobátmana, Běngbe Bětsábeñe jtsošbuáchiyěse. Chě šmontsobatmana

soye entsama tšëngaftanga Jesucristbeñe puerte chašmotsošbuáchema y nyetscanga chašmotsababuánÿeshanama. Bëngbe Bëtsá celoca enduaquëcñá chë tšëngaftanga šmojtsobatmana tšabe soye.

⁶ Chë tšëngaftanga tcmojanabuayená tšabe noticiënga más bëtsá entsanga montsuenana; y chca, nyets quem luarentše entsanga montsiyena más tšabe soyënga jtsamëse. Chca entsemna ntšamo tšëngaftangbentše tojopasacá, chë natsana te chë tšëngaftanga Bëngbe Bëtsabe tšabiánama šmojanuena orscana, y ntšamo Bëngbe Bëtsá puerte bonshanánaca y tšabiánaca bëngbioye suanÿenama ndegombre cmojanosérta orscana.

⁷ Y chca Epafra tšëngaftanga tcmojanabu-atambá, Bëngbe Bëtsabe bonshánama y tšabiánama. Epafra endmëna canÿa bëngaftaca Cristbiana oservená, y cha bënga fsëndbobonshana; cha Cristbiana endëtrabája bëngbe cuenta tšëngaftangbentše.

⁸ Cha šonjáuyana ntšamo chë Uámana Espíritu yojtsama, nyetscanga Jesucristbeñe ošbuachiyëngbioye chašmotsababuánÿeshanama.

⁹ Lempe ntšamo tšëngaftangftaca tojopasama, chë natsana te tšëngaftangbiana fsëñjanuena orscana y mëntscoñama, Bëngbe Bëtsá sempre tšëngaftangbiana fchandbétseimpadana, cháftaca fstsencuénta ora. Bëngbe Bëtsá fsëndëimpadana, chabe Espíritu chaoma tšëngaftanga chašmotsobena jtsetatšëmbuana y jtsosertánana, chca, ntšamo Bëngbe Bëtsá yobošcá chašmotsamama, tšëngaftanga tšabá

chašmotsetatšëmbuama.

¹⁰ Y chca, tšëngaftanga šmochantsobena jtsiyenana jtsamëse ntšamo Bëngbe Utabná yobošcá, y sempre šmochántsama ntšamo chabíama tšabá yomncá. Ntšamo tšëngaftanga chašmojtšiyencá tšabe soyënga jtsamëse, chentšana nÿetsca tšabe soyënga echanjóbcna, y tšëngaftanga más tšabá Bëngbe Bëtsá šmochantsábuatma.

¹¹ Atše, Bëngbe Bëtsá sëntseimpadana, chabe puerte bëtscá obenánaca cha chaoma tšëngaftangbe ainaniñe bëtš añemo chašmotsebomnama; y chca, tšëngaftanga chë padecena soyënguiñe chašmojtsemna ora, puerte uantadënga chašmotsemnama, y ainaniñe añémoca Bëngbe Bëtsábeñe becá chašmotsobátmanama.

¹² Y puerte oyejuayënga Bëngbe Taitá šmochántsatschuanaye, nda iuama bënga chamot-sobena ntšamo cha chabe entšanga jatšatayama tojašebuachenacá jtsebomnama. Tšëngaftanga šmochanjóyëngacñe ntšamo cmojtšëtocancá celoca, chë corente buashinÿinÿana luarentše.

¹³ Bëngbe Bëtsá bënga šojatsebacá, Satanás, chë ibetiñe luarentša mandayabe cucuatšentšana, y tojama chë chabe bonshana Uaquiñabe amëndayana bëngbe ainaniñe chamotsebomnama;

¹⁴ chábeyeca Bëngbe Bëtsá Satanasbe cucuatšentšana šojatsebacá; o mëntšá, chábeyeca Bëngbe Bëtsá bëngbe bacna soyënga šojtsaperdoná.

Cristo tojanóbanayeca, entšanga Bëngbe Bëtsáftaca tšabá jtsatsmënana

¹⁵ Cristo tmonjáninÿe ora, bënga tmojántatšëmbona ntšamo Bëngbe Bëtsá yomnana;

entsanga imojobena cha jinŷama, pero Bēngbe Bētsábioye ndoñe. Cha, chē Bēngbe Bētsabe Uaquiñá, ya natsana yojtsemna lempe chē Bēngbe Bētsá tojanma soyēngama; y cha lempe chē soyēngama más uamaná endmēna.

¹⁶ Chábeyeca Bēngbe Bētsá tojama lempe ntšamo celoca y quem luarentše yobinŷncá, lempe ntšamo chē entsanga imobena o ndoñe mondobena jinŷama soyēnga, y chē espíritēngnaca chē imobena ínŷengbioye jtsamēndayana y obenana imobomna. Bēngbe Bētsá, chábeyeca y chabiamama tojama, lempe ntšamo quem luarentše yobinŷncá.

¹⁷ Bēngbe Bētsá cabá nŷetsca soyēnga ndama ora, Cristo ya yojtsemna; y chábeyeca mora yomna, lempe ntšamo quem luarentše chaotsemnama yojamncá.

¹⁸ Cha endmēna nda nŷetscanga Bēngbe Utabnábeñe ošbuáchiyēnga iuamēnda, ntšamo chē bestšaše nŷetsca chē cuerpentša soyēnga jtsemandayancá. Cha endmēna nda iuama ošbuáchiyēnga tsēm tšabe vida chamotsebomnama, y cha endmēna chē Bēngbe Bētsabe más bēts Uaquiñá. Bēngbe Bētsá tojanma, chē cachiñe ainēnga mochtsatsmēnēnguentšana, cha chē natsaná chaotsemnama; nŷe cha canŷa chē más uámana luare chaotsebomnama, nŷetscañe chaotsemándayama.

¹⁹ Er Bēngbe Bētsá yojanjuabná cachabiamama tšabá yojamna, lempe ntšamo cha yomncá, chabe Uaquiñábeñnaca chaotsemnama,

²⁰ y Bēngbe Bētsá tojánbošena, Crístbeyeca nŷetsca soyēnga quem luarentše y celoca, cháftaca tempcá

tšabá chaotsatsmënama. Bëngbe Bëtsá chë soye tojanma, chabe Uaquiñá cruciñe tojanóbana ora y chabe buiñe tojanábuashana ora; y chca, Bëngbe Bëtsá tojanma nyetsca soyënga quem luarentše y celoca, cháftaca tempcá tšabá chaotsatsmënama.

²¹ Tempo, tšëngaftanga Bëngbe Bëtsá stëtsoye šmojanquedá y chábioye uayayënga šmojamna, bacna soyënga šmojanjuabná y šmojánama causa;

²² pero mora chabe Uaquiñáftaca, cha mo canye entsacá jóbanëse, Bëngbe Bëtsá tojama tšëngaftanga tempcá tšabá cháftaca chašmotsatsmënama; y chca tojama, tšëngaftanga chabe delante nyets tempo chašmotsemnana; chora tšëngaftanga, chabe entsanga, ainaniñe ndocna bacna soye ndbomnënga chašmotsemnana, y ndocná chaodayana ntšamo šmojamcá ndoñe tšabá yontsemna ca.

²³ Pero tšëngaftanga cmontsamna chë bëtscá ošbuáchiyana šmondbomnana nyets tempo jtsebomnana, Bëngbe Utabnábeñe jtsošbuáchiyama ndocna te ntjajbanacá. Nyets tempo chë tšabe noticiënguiñe šmochtsošbuáchiye, y ndoñe šmatjaleséncia ndocná tšëngaftangbe ošbuáchiyana chaotrocama; y nye chca puerte jtsošbuáchiyëse Bëngbe Bëtsábeñe šmochtsobátmana, ntšamo tšëngaftanga šmojanmcá, Jesucristbiana buayenánama šmojanuena ora. Chë buayenánana endmëna ntšamo ba entsanga nyetsca quem luarentša entšángbioye tmojabuayenacá, y atšbe trabajo endmëna cach tšabe noticiëngama entsanga jtsabuayiynayana.

Pablo, ošbuáchiyënga jasérviana trabajo tmojan-bonyé

²⁴ Atše corente sënjesoyejuá mora tšëngaftangbiana jasúfriama stsobenama. Ba entšanga entsamna jasúfriana Cristo jasérviana, y atše sëntsesufrina ntšamo Cristo tojansufricá, mora atše jtseufrinëse chabe cuenta, ntšamo jasúfriama yomncá. Y ntšamo sëntsesufrincá entsemna Crístbeñe ošbuáchiyëngbe tšabiama, chë chabe cuerpcá imomnënga, chënga Crístbenga bëtsemnama.

²⁵ Bëngbe Bëtsá atše šojábema chë Jesucrístbeñe ošbuáchiyëngbe canye ujabuachaná. Cachá chë trabajuama šojanábuayana, chca jamëse, tšëngaftangbe tšabiama chaotsemnama. Chë trabajo endmëna, lempe ntšamo cha tojayancá entšanga jábuayenana.

²⁶ Bëngbe Bëtsá nyetsca entšanga ndoñe tonjanalesenciá, quem luare jobojátsama orscana y nyets tempo chë buayenánama chamotsetatšëmbuama; pero mora, chábenga imomnënga chë soye cha tojinÿanyé.

²⁷ Bëngbe Bëtsá yoboše, chabe entšanga imomnënga chamotsábuatmama ndayá tempo chënga ndoñe tonjaninÿanyecá; y yoboše chë ndoñe judiënga jinÿanyiyama tša bëts y tšabe soye yomna chë ndegombre buayenánana, ndayá tempo ínÿenga ndoñe tonjaninÿanyecá. Chë tempo ndoñe yonjanótatšëmbo buayenánana entsemna, Cristo tšëngaftangbe ainaniñe yojtsiyena, y chábëñe puerte jtsošbuáchiyëse šmojtsobena jtsobátmanana, Bëngbe Bëtsá puerte bëtsetsanga y uámanënga chácmbiamama, batšá ntšamo cachá

yomncá.

²⁸ Bënga nÿetscángbioye Jesucristbiana fchandbëtsabuayinaye; fchandbëtsëtsësnaye ndayá chënga ndoñe yontsamna jtsamana, y fsëndbëtsabuatambaye nÿets osertánana ndayá chënga aíñe yojsamna jtsamana, y chca, nÿetscángbioye Bëngbe Bëtsabe delante junatsama, puerte ošbuáchiyënga y osertánënga Bëngbe Bëtsabe soyënguiñe, chënga Crísoftaca cánÿiñe mo canÿacá jtsemnëse.

²⁹ Chca chaotsemnama, atše bëtscá sëndëtrabája; y chca sentsama, chë Cristo yojsama atše chaitsebomnama bëts obenánana.

2

¹ Atše sëntseboše tšëngaftanga chašmotsetátšëmo, Bëngbe Bëtsá becá tsimpadánana, tšëngaftangbioye jujabuáchama, chë Laodicea puebloquënga Jesucristbeñe ošbuáchiyënga y nÿetscanga chë ndocna te atše šmonjinÿe ošbuachiyëgnana.

² Atše chca sëndama, tšëngaftanga y chënga ainaniñe bëts añemo chašmotsebomnama, y cánÿiñe mo canÿacá chašmotsemanama, nÿetscanga jtsebomshánëse. Chca, nÿets osertánana tšëngaftanga chašmotsebomnama, y chë tempo Bëngbe Bëtsá entšanga ndoñe tonjaninÿanyé buayenánana chašmotsetatšëmbuama, y chë buayenánana Cristbe soye entsemna.

³ Mo canÿe bëtscá bomnana iytemena soyca pero mora ya uinÿenana, cachca Crístbeñe entsemna nÿets osertánana y obenana Bëngbe Bëtsá jtsabuatmama. Chë soye tempo Bëngbe

Bëtsá entsanga ndoñe tonjaninjanyé, pero mora Cristo yojtsama bënga chë uámana soyënga chamotsebomnana.

⁴ Atse chca sëntsichamo, botamana palabrëngaca ndocná chacmondáingñema.

⁵ Er masque choca tšëngaftangaftaca atse ndoñe quetsátsmëna, atšbe ainana aiñe choca tšëngaftangaftaca entsemna; y atse puerte sëntsoyejuá tšëngaftanga šmatenëyeunanama y nyets tempo Bëngbe Bëtsábeñe šmojtsošbuáchema.

Cristoftaca cányiñe mo canyáca jtsemnëse, entsanga ndegombre tšabe vida jtsebomnana

⁶ Tšëngaftanga Jesucristbeñe ošbuáchiyënga šmojanóbiamama ora, šmojanayana: “Cristo Jesús, Bëngbe Utabná entsemna ca”. Chcasna, tšëngaftanga cmontsamna jtsiyenana soyënga jtsamëse mo chë cháftaca cányiñe mo canyáca tojtsemnacá.

⁷ Chca šmontsobena jamana, cháftaca cányiñe mo canyáca nyets tempo jtsemnëse. Smochtsiyena jtsamëse ntšamo cha tojabuatëmbacá y cada te más chca. Cabá más šmochtsošbuáchiye chë Cristbiamama buayenana soyëngama, ntšamo tcmojabuatambacá; y Bëngbe Bëtsá sempre smochtsatschuanaye.

⁸ Cuedado smochtsebomna, ndoñe šmatjaleséncia ndocná chaondëtsamama tšëngaftanga jtsajbanama Crístbeñe ošbuáchiyana jtsebomnana. Chca entsanga montseboše juabnëngaca tšëngaftanga jáingñama, nye básefta entsangbe juabnënga y tondayama ndoservena juabnënga. Chë juabnënga jtsóbocanana

ntšamo bēts taitanga básengbioye mond-
betsabuátambayentsana y chē espíritēngbentsana,
ndēmuanŷengbiana entsanga jtsejuabnayana
chēnga nŷetsca soyēnguiñe imománda ca; pero
Crístbentsana chē juabnēnga ndoñe ntsóbocanana.

⁹ Cristo endmēna cachcá ntšamo Bēngbe Bētsá
yomncá, masque mo canŷe entsacá quem luar-
entše yojēftsiyena;

¹⁰ y Bēngbe Bētsá tojama tšēngaftanga ndegom-
bre tšabe vida chašmotsebomnama, Crísoftaca
cánŷiñe mo canŷacá bétsemnayeca; y Cristo, nŷetsca
chē mándayēnga y obenana bomnēngbiana más
uamaná endmēna.

¹¹ Tšēngaftanga Crísoftaca cánŷiñe mo canŷacá
bétsemnayeca, mo uinŷnananēngcá šmontsemna,
tšēngaftanga Bēngbe Bētsabe entsanga šmomnama.
Quem uinŷnanánana ndoñe quenátsmēna
mo chē más delicadentše base bobachtema
tmojatētšcá, cach entsāngbeyeca ntšamo judiēnga
monduamancá, pero aíñe entsemna cach
Cristo nda tmojauinŷnaná; y chē uinŷnanánana
entsemna, tšēngaftangbe ainanentsana Cristo
bacna juabnēnga jabuajuánayana.

¹² Tšēngaftanga šmojánenabaye ora, enjamna mo
ntšamo cach Cristo tmojanatbontsacá tšēngaftanga
utebuantsánēnga cuaftsemncá, er tšēngaftanga
šmojanajbaná jtsamana chē tempo šmojánama
bacna soyēnga; y ntšamo Cristo cháuatayenama
Bēngbe Bētsá tojamcá, cachcá, tšēngaftanga
šmojánenabaye ora, enjamna mo tšēngaftanga
chašmatayenama Bēngbe Bētsá cuafjamcá,
er mora tšēngaftanga mo tsmēma entsāngcá
šmondoyena. Chca tojanopasá, Bēngbe Bētsá

obená bétsemnama tšëngaftanga šmojtsošbuáchema, y chë obenana tojama Cristo cháuatayenama.

¹³ Inye tempo tšëngaftanga Bëngbe Bëtsabiana mo obanëngcá šmojamna, yapa bacna soyënga jtsamama šmojanamana causa y uinýnanánënga mo Bëngbe Bëtsabe entšangcá ndoñe šmonjámnayeca, pero aíne šmojanamana bacna soyënga jtsamana nye ntšamo šmojanbošcá. Morna Bëngbe Bëtsá tojama tšëngaftanga tšabe vida chašmotsebomnama, Crísoftaca cánýíñe mo canýacá jtsemnëse, y Bëngbe Bëtsá bëngbe nýetsca bacna soyënga šojtsaperdoná.

¹⁴ Mo nda ba ndebénënga tojtsabamna y chama tsbuanachangá tojtsamna y chiñe tojtsayana chënga obligaciönaca imojtsemna chë ndebénana pronto jtobocana ca, pero chë entšá chëchangá tojtsandbiama chë entšanga cha ndoñe más chamondëtsendebénama, Bëngbe Bëtsá cachcá tojama, bacna soyëngama bënga šojtsaperdoná ora. Jesús bëngbe bacna soyëngama cruciñe tojanóbana ora, enjamna mo Bëngbe Bëtsá bëngbe ndebénana tojtsanpochocá cuenta.

¹⁵ Jesucristo cruciñe tojanóbanayeca, Bëngbe Bëtsá tojanayëñjaná Satanás y chabe bacna espíritënga obenana bomnënga y ínýengbioye amëndayënga; y nýetsca entšangbe delante tojaninýanyé cha chënga jtsamëndayama yobenama, mo canýe reycá chë ínýënga tojayëñjaná ora, chabe entšangaftaca natsana jtsayana y chë ayëñjanánëngna ústonoye.

Ainaniñe becá jtsebošana chë ošbuáchiyëngbiana celocayomna soyënga

16 Ndoñe caso šmattsabiamnaye, ndoñe tšabá šmontsama ca ínÿenga tšëngaftangbiamama tmojtsichamo ora, ndayá tšëngaftanga šmétsesaye o šmétsofšëšnayama, o ndayá aíñe o ndoñe šmondbétsamama Bëngbe Bëtsá jadórama fiestënga ora o shbojueta fiesta ora, o jóchnama tese.

17 Bayté entsemna, Bëngbe Bëtsá entsangbe cucuatšiñe chë mandënga tojánboshjona, chë soyëngama bënga jabuátambama. Chë mandëngaca Bëngbe Bëtsá yojaninÿanÿnaye ndayá más chcoye jopásama; entsángbioye yojaninÿanÿnaye ndayá Cristo yochjanmama.

18 Báseftanga mondmëna y chënga mo nduamanëngcá entsángbeñe jtsebínÿnana, pero tsoye cachënga corente uámanënga jtse nobiamnayana y angelënga jtsadórayana, mo Bëngbe Bëtsá cuaftsemncá. Ndoñe caso šmattsabiamnaye, tšëngaftanga ndoñe tšabá šmontsama ca chënga tmojtsichamo ora, ntšamo chënga tmojtsichamcá tšëngaftanga ndoñe šmontsámayeca. Chënga jtsichámuana bëts soyënga mo otjenayoquëcá tmojinÿe ca, y nÿe cachënga puerte jtse nábotamnayana, pero chca chamotsamama razón ndoñe quemátsbomna, er nÿe ntšamo inÿe entsanga imnetsejuabnaycá chëngnaca cachcá jtsejuabnayana.

19 Chënga Jesucrístoftaca cánÿiñe ndoñe tmonjoquedanga, y Cristo endmëna chë nÿetsca ošbuáchiyëngbe amëndayá, mo chë bestšaše nÿets cuerpo jtse mandayanacá. Canÿe cuerpiñe chë bestšaše jtsamana nÿets cuerpo chaóbochema, ntšamo Bëngbe Bëtsá tojtsebošcá,

chë cuerpo ndayá jasama chaotsebomnama jtsamëse, y nyetsca chë cuerpentša soyënga chamenefjanama jtsamëse. Cachcá, Cristo jtsamana nyetsca ošbuáchiyënga cánÿiñe mo canÿacá cháftaca chamotsemnana, y cada te más tšabá cha chašmotsábuatmama.

²⁰ Cristo tojanóbana ora enjamna mo tšëngaftángnaca cuafjobancá, y Bëngbe Bëtsá tšëngaftanga cmojatsebacá chë quem luarentše imománda espíritëngbe cucuatšentsana. As, ¿tšëngaftanga ndáyeca šmojtsiyena jtsamëse mo chë ñye quem luarama enojuabnayëngcá? ¿Ndáyeca tšëngaftanga cabá šmobedecena chca mandënga, mo:

²¹ “Chë soye ndoñe matsbanana, chca soye ndoñe catjase, o chë soye acbe cucuátšeca ndoñe catjaca ca”?

²² Lempe chë mandënga, chë ndayá canÿa ndoñe bontsemna jamana, ñye soyëngama jtsayanana, y tempo tojochnëngo ora, chë soyënga jtsopochócana y chora tondaye ntsámanana. Chë mandënga jtsemnana ñye ntšamo entšanga mondbetsamcá y ínÿengbioye mondbetsabuatambaycá.

²³ Ndegombre, ba entšanga jtsejuabnayana chë mandënga tmojamëngbiama, puerte osertanáncaca chca tmojama ca, pero ndegombre chca ndoñe quenátsmëna; er chënga jtsichámuana, ntšamo Bëngbe Bëtsá jadórama yomncá imojtsabuatambá ca, jtsabuátambayana entšá cabnmëna uamaná ndoñe ntsenobiamnayana ca, y jabuache cachabe cuérpoca jtsamana ca. Pero chë mandënga tondaye ntsámanana, er chë mandënga entšangbe ainanentšana ndoñe ntjajuánana chë bacna soyënga

jtsamama juabnënga.

3

¹ Cristo cháuatayenama Bëngbe Bëtsá tojanma ora, enjamna mo tšëngaftángnaca Crístbeñe ošbuáchiyënga, chašmatayenama cha cuafjamcá. Chíyeca, tšëngaftangbe ainaniñe puerte šmochtseboše ndayá Bëngbe Bëtsá celoca tšëngaftangbiamá yobomncá; y choca, Cristo uámana puestentše endëtbemana, Bëngbe Bëtsabe catsbioica. Y šmochtsinÿinÿnaye chca šmojtsebošama, ntšamo jtsamëse mora šmojtсийenama.

² Tšëngaftanga nÿets tempo chë celoca soyëngama šmochtsejuabnaye, ndoñe chë nÿe quem luar-entše yomna soyëngama.

³ Tšëngaftanga Crísoftaca cánÿiñe mo canÿacá jtsemnëse, jtsemnana mo tšëngaftanga ya cuafjobancá, er mora ya ndoñe quešmátiyena tempcá jtsamëse. Cristo, Bëngbe Bëtsáftaca cánÿiñe mo canÿacá endmëna, y Cristo endmëna nda mora tšëngaftangbe vida vojtsinÿena.

⁴ Ndegombre, Cristo endmëna nda endama tšëngaftanga tšabe vida chašmotsebomnana; y quem luarentše cha cachiñe chaojtonÿná ora, tšëngaftángnaca chentše cháftaca šmochántsemna, y chora ntšamo Cristo corente uamaná y bëtsá yomnama Bëngbe Bëtsá yochjinÿanÿiyacá, tšëngaftangbiámnaca echanjínÿanÿiye más bëtsétsanga y uámanënga šmojtsemnana.

Tempsca vida y morsca vida

⁵ Tšëngaftanga, ntšamo chë nÿe quem luarama enójuabnayënga mondbetsebošcá bošana lempe šmochtsajbaná. Ndocná chaondëtseboše ndaye bacna soye boyabása o shembásaftaca jtsamana, ni chca soyënguiñe ndoñe chaondëtsejuabná; ndoñe chaondëtsiyena nÿe ínÿengbiamá bacna juabnënga jtsebomnëse, y ndoñe chaondëtseboše nÿe bëtscá soyënga ínÿengbiamá más jtsebomnama, er chca jtsamana jtsayanana, chabiamá más yojtsámána soyënga jtsebomnana, Bëngbe Bëtsá jatsbobonshánama.

⁶ Er entšanga mondmëna y chënga chca soyënga jtsamama jtsebošana, y Bëngbe Bëtsá ndoñe ntseyeunanana. Chca entšangaftaca Bëngbe Bëtsá puerte bochanjetna, y echanjamánda chë uabouana castigo chëngbeñe chaotsemnama.

⁷ Y tempo, tšëngaftanga šmojaniyena jtsamëse, sempre nÿe chca bacna juabnëngaca,

⁸ pero mora tšëngaftanga cmontsamna lempe quem soyënga stëtsoye jaquédana: ínÿengaftaca jetnana, ínÿengaftaca rábiaca jtsemnana, ínÿabioye ntšamo jáborlama jtsebošana, ínÿengbioye joyánguanguana, y ndoñe tšabe palabrënga jtsóyebuambnayana.

⁹ Ndoñe šmattsenbuambnaye, er ntšamo tempo šmojamncá mora tšëngaftanga ya ndoñe cachcá quešmátsmëna, y mora ndoñe quešmátiyena jtsamëse ntšamo tempo šmojanamcá.

¹⁰ Y mora tšëngaftanga šmojashjache jtsemnama mo tsmëma entšangcá, y ntšamo tempo šmojanamcá ndoñe cachcá quešmátama. Bëngbe Bëtsá chca tsmëma entšangcá tcmojábiamá; y cha nÿets tempo yojtsama, tšëngaftanga cada te más

ntšamo cha yomncá chašmotsemnama, chca, corente tšabá cha chašmuábuatmanama.

¹¹ Chíyeca, ndayá Běngbe Bětsá tojamama, ndoñe judiēnga y judiēnga cachcanga mondmēna; chē más delicadentše base bobachtema tětšenēnga ndoñe más uámanēnga quemátsmēna chē ndoñe chca mondmēnēngbiama; chē inye luarēngocana áshjajnēnga, bēn tjoye oyenēnga, chē nye ínŷabiama nŷets tempo oservénēnga y chē cachēngbiama trabájayēnga, nŷetscanga cachcanga mondmēna. Chē nye ndayá iuámana endmēna Crístbeñe jtsošbuáchiyana y nŷetsca ošbuáchiyēngbe ainaniñe cha yojtsemna jtsemándayama.

¹² Tšēngaftanga Běngbe Bětsábenga šmondmēna. Cha cmondábabuanŷeshana y tcmojabacacá chabe entšanga chašmotsemnama; chíyeca, tšēngaftanga cmontsamna ínŷenga jtsinŷanŷnayana nŷetscangbiama jóngmiamna šmuamanama, tšabe juabna ínŷengbiama sempre šmnétsebomnama, cada ona chē ínŷenga chabiama más uámanēnga cuaftsemncá innétsejuabnayama, nŷetscanga puerte bonshanánaca šmnétsēnŷayama, y nŷetsca padecena soyēnguiñe corente uantadēnga šmomnama.

¹³ Nŷetscanga šmochtsenēuantana y šmochjenperdóna, nderado ntšamo nda ínŷabioye tbojaborlá y chama cha tbojtsatsētsná ora. Ntšamo Běngbe Bětsá tšēngaftanga tcmojaperdonacá, tšēngaftángnaca cachcá ínŷenga šmochjáperdonaye.

¹⁴ Lempe chē soyēngama más enduámana nŷetscanga jtsenbobonshánana. Nŷetscanga šmojtsenbobonshánese, tšēngaftanga

šmochantsobena sempre lempe chë inye soyënga corente tšabá jtsamana, ntšamo ndegombre chë soyënga jamama yomncá.

¹⁵ Cristo endama tšëngaftangbe ainaniñe tšabe ebionana chašmotsebomnama. Chë tšëngaftangbe ainaniñe tšabe ebionánaca šmochtsiyena nyetscanga natjëmbana, Jesucristbeñe ošbuáchiyënga quetsomñecá. Bëngbe Bëtsá tcmojáchembo tšëngaftanga nyetscanga cányiñe mo canye cuerpcá chašmotsemnama, y chca, natjëmbana chašmotsiyenama. Bëngbe Bëtsá sempre šmochtsatschuanaye.

¹⁶ Chë Cristbe puerte tšabe buayenana soyënga tšëngaftangbe ainaniñe nyets tempo šmochtsambaye. Nyets osertanánaca šmochtsenbuátëmbaye y šmochtsenbuayiynaye. Nyets ainánaca šmochjacánta chë Salmos librëšañe uabemana cantënga, chë Jesucristbe soyëngama cantënga, y chë Bëngbe Bëtsabe Espíritu iuama tšëngaftanga chašmotsobena jacántama soyënga; chca šmochjama Bëngbe Bëtsá jëtschuayama.

¹⁷ Y lempe ntšamo chašmojt sama o chašmotsichamcá, Bëngbe Utabná Jesúsbeñe ošbuáchiyënga quetsomñecá chca šmochjama, siempre Bëngbe Bëtsá Bëngbe Taitábioye, chábeyeca jtsatschuanayëse.

Ntšamo ínÿengaftaca jtsiyenama

¹⁸ Shémanga, šmochtsetátšëmbo tšëngaftangbe boyanga chë yebnentša mándayënga imomnama, y nyets tempo chca jtsejuabnayëse šmochtsiyena, er tšëngaftanga Bëngbe Utabnábeñe ošbuáchiyënga quetsomñecá, chca cmontsamna.

19 Boyanga, tšëngaftangbe shémanga sempre šmochtsababuányeshana, y podessa palabrëngaca ndoñe šmattsëtsëtsnaye.

20 Básenga, tšëngaftangbe bëtsëtsanga nyëtscañe šmochtsayaunana; chca šmojtsamëse, Bëngbe Bëtsá oyejuayá echántsemna.

21 Taitanga, ndoñe šmattsama tšëngaftangbe básenga chautënama, ainaniñe tondaye añémoca chënga ndoñe chamondëtsatsmënama.

22 Tšëngaftanga chë nyets tempo nye ínÿabiamama oservénënga, tšëngaftangbe nduiñënga nyëtscañe šmochtsayaunana, y ndoñe nye chënga tcmojtsënÿa ora, mo nda nye entsangbe delante tšabá joquédama tojtsebošacá, ndayá chënga šmochtsayaunana nyets ainaniñe ndegombre tšabe juabnëngaca, er tšëngaftanga Bëngbe Utabnabiamama corente respeto šmondobomna.

23 Lempe ntšamo chašmojtsamcá, nyets tšëngaftangbe añémoca šmochtsama, mo Bëngbe Utabná ndegombre cuaftseservencá, y ndoñe nye entsangbioycá.

24 Tšëngaftanga ya šmondëtatšëmbo, ntšamo cha chabe entsanga tojašebuachenacá mo uacanancá, Bëngbe Utabná tšëngaftanga cmochjátšatayama. Er Cristo, chë Utabná, endmëna ndábenga tšëngaftanga šmomnana, y cha šmondëservena.

25 Pero chë ndoñe tšabe soyënga tontsamábioye, Bëngbe Bëtsá bochanjacastíga, ntšamo chë entsá bacna soyënga tojamcá, er Bëngbe Bëtsabiamama nyetscanga cachcá monduámana.

4

1 Y tšëngaftanga, ndëmuanÿengbiamama

ínÿenga nÿets tempo imoservena, nÿetsca soyënguiñe tšabá šmochtsama, y nÿetscangbiana cachcá šmochtsemna, chë nÿets tempo nÿe tšëngaftangbiana oservenëngaftaca, er tšëngaftanga šmondëtatšëmbo celoca canÿa endmëna, ndabiana tšëngaftángnaca oservënënga šmondmëna.

Ošbuáchiyënga jábuayenama

² Nÿets tempo Bëngbe Bëtsáftaca šmochtsencuëntaye, ntšamo šmojtsichámuama botamana jtsejuabnayëse y Bëngbe Bëtsá jtsatschuanayëse.

³ Bëngbe Bëtsáftaca cha šmojtsencuënta ora, bëngbiámnaca chašmochtseimpadana, cha chaoma bënga fchayobenama Bëngbe Bëtsabe palabra Cristbiana entšanga jábuayenama, chë buayenana soye ndayama tempo entšanga ndoñe monjántatšëmbo. Atše chë buayenana soye entšanga abuátambaye causa, mora cárceloye sëntsëtámena.

⁴ Chcasna, Bëngbe Bëtsá atšbiana šmochtseimpadana, atše chayobenama chë buayenana soyënga entšanga jábuátambama, y chë soye atše chaima chënga corente tšabá catafjosertaycá, er atše šontsemna chca jamana.

⁵ Smochtsiyena nÿetsca soyënga osertanána jtsamëse chë Jesucristbeñe ndošbuáchiyëngaftaca, y chca, nÿets tempo ínÿenga šmochtsinÿanÿnaye tšëngaftanga Jesucristbeñe ošbuáchiyënga bëtsemnama.

⁶ Inÿëngaftaca chašmojtsencuënta ora, šmochtsama ntšamo šmojtsoyebuambnacá chëngbiana tšabá chaotsemnama, y soyënga

šmochtsichamo n̄jetscanga oyejuayana chamotsebomnama; y šmochtsetátšëmbo ntšamo cmojtsamna cada cán̄yabioye jojuana.

Jtadiósoftanama

⁷ Jesucrístbeyeca bēngbe bonshana catšata Tíquico, can̄ye trabajayá tšabe palabra bomná y Bēngbe Utabnabiamama bēngaftaca oservená, tšēngaftangbioye noticiēnga echanjuamba ndayá átšeftaca tojopasama.

⁸ Chíyeca cha tšēngaftangbioye sēntsichamná, chca, tšēngaftanga chašmotsetatšēmbuama ndayá bēngaftaca yojtsopasana, y cha chacmañémuayama.

⁹ Cháftaca Onésimo echanjá, Jesucrístbeyeca bēngbe bonshana catšata; cha can̄ye tšabe palabra bomná endmēna, nda tšēngaftangbiocana tonjánabo. Chata tšēngaftanga cmochanjácuntaye lempe ntšamo muiñe yojtsopasancá.

¹⁰ Aristarco, muentše átšeftaca cárceloje utamená, cmontsacheuaná. Y Marcos, Bernabebe primo, chánaca cmontsacheuaná. Tšēngaftanga ya buayenánēnga šmontsemna ndayá jamama cmojtsamnana, Marcos tšabá jofjama, cha tšēngaftanga jautsētsayama tojase.

¹¹ Jesús, chē Justo cánaca uabainá, chánaca cmontsacheuaná. Quem pueblentša n̄jetsca judiēnga ošbuáchiyēnguentsana, n̄ye chē unga átšeftaca mondētrabája, Bēngbe Bētsabe amēndayana entšángbioye chaóshjanguama, y chēnga mondama atše ainaniñe bēts añemo chaitsebomnama.

12 Epáfrasnaca cmontsacheuaná, inye tšëngaftangbiocá y cha Cristo Jesusbiana jatrabájama endoservena. Cha nyets tempo tšëngaftangbiana Bëngbe Bëtsábioye tša bochandbétseimpadana, tšëngaftanga Bëngbe Utabnábeñe ošbuáchiyana ndocna te chašmondájbanama, y nyets tempo chašmotsiyena lempe jtsamëse, ntšamo chë Jesucristbeñe corente ošbuáchiyënga jtsiyenana yojsamncá; y chca, tšëngaftanga corente šmochántsetatšëmbo ntšamo šmojsamcá ndegombre yomna ntšamo Bëngbe Bëtsá yobošcá.

13 Cach atše sënjinýe y sëntsobena jayanama ntšamo cha jabuache yotrabájama, tšëngaftanga jujabuáchama, chë Laodicea puebloquënga y Hierápolis puebloca oyenëgnaca.

14 Lucas, bëngbe bonshana ashnayá, cmontsacheuaná; y Démasnaca.

15 Chë Laodiceoca Jesucristbeyeca catšátanga bëngbe cuenta šmochjácheuaye. Ninfábioynaca šmochjachuaye, y nyetsca ošbuáchiyënga chë Bëngbe Bëtsá jëtschuayama chabe yebnentše jénefnama imuamanëgnaca.

16 Quem tsbuanácha chašmojualiá chentšana, Laodiceoca ošbuachiyëngbioye šmochjuíchnua, chócnaca mëcha chamualiana; y tšëngaftángnaca šmochjualiá chë Laodiceoca ošbuachiyëngbioye tmonjanichmó tsbuanácha, chëcha tšëngaftangbioye chaojuáshjango ora.

17 Arquipo šmochjauyana yejuana chaotsant-ješna chë Bëngbe Bëtsá tbojabonyé trabajo sempre tšabá chaotsocumplínama.

¹⁸ Atše Pablo, n̄ye quem palabrēnga tšēngaftanga jacheuayama cach atšbe cucuátšeca sēntsabiamná. Smochtsenójuabnaye atše utamená stsemnama. Atše, Bēngbe Bētsá sēntseimpadana, cha chaoma tšabe bendicionēnga tšēngaftangbeñe chaotsemnama.

Bëngbe Bëtsa Cabëngaftaca Entsoyebuambna New Testament in Camsá

copyright © 2009 Wycliffe Bible Translators, Inc.

Language: Camsá

Translation by: Wycliffe Bible Translators, Inc.

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Camsá

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

PDF generated using Haiola and XeLaTeX on 18 Apr 2025 from source files
dated 29 Jan 2022
19104c0e-9046-5ff3-82fb-eb838c88dcf9